

**ხელშეკრულება N GIZ/11**  
**სახელმწიფო შესყიდვების შესახებ**  
**დაფინანსების წყარო გრანტი (GIZ)**

ქ. თბილისი

16 მაისი 2019 წელი

ერთის მხრივ, არასამეწარმეო (არაკომერციული) იურიდიული პირი „საქართველოს ეროვნული ბოტანიკური ბაღი“ (შემდგომში „შემსყიდველი“) წარმოდგენილი დირექტორის თამაზ დარჩიძის სახით და მეორე მხრივ შპს „პრიმო“ (შემდგომში „მიმწოდებელი“) წარმოდგენილი დირექტორის დავით ზაქარაიას სახით, გამარტივებული შესყიდვის საშუალებით, „სახელმწიფო შესყიდვების შესახებ“ საქართველოს კანონის საფუძველზე, გამარტივებული შესყიდვის ფორმით დადეს სახელმწიფო შესყიდვის შესახებ ხელშეკრულება შემდეგზე:

**1. ხელშეკრულების საგანი**

**1.1.** ხელშეკრულების საგანს წარმოადგენს საგრანტო პროგრამის Inaturalist – EcoHunter-ის ფარგლებში, სავსე გასვლების მონაწილეთა კვებით უზრუნველყოფის მიზნით სხვადასხვა სახის პროდუქციის სახელმწიფო შესყიდვა.

**1.2.** საქონლის დასახელება, რაოდენობა, ფასი და CPV კოდი წარმოდგენილია ხელშეკრულების დანართი #1-ში რომელიც წარმოადგენს ხელშეკრულების განუყოფელ ნაწილს.

**2. ხელშეკრულების ღირებულება**

**2.1.** ხელშეკრულების ჯამური ღირებულება შეადგენს **306 (სამას ექვსი)** ლარს დღგ-ს გარეშე.

**2.2.** ხელშეკრულების საგნის შესყიდვა ხორციელდება გერმანიის ფედერაციული რესპუბლიკის მთავრობასა და საქართველოს მთავრობას შორის „ტექნიკური თანამშრომლობის შესახებ“ 2008 წლის 19 დეკემბრის შეთანხმების (პროექტი: საქართველოს სოციალური და ეკონომიკური განვითარების ხელშეწყობა) საფუძველზე ა(ა)იპ - „საქართველოს ეროვნულ ბოტანიკურ ბაღს“ და გერმანიის საერთაშორისო თანამშრომლობის საზოგადოებას (GIZ) შორის გაფორმებული საგრანტო ხელშეკრულების (საგრანტო პროექტი: ბიომრავალფეროვნების ინტეგრირებული მართვა სამხრეთ კავკასიაში (IBiS)) ფარგლებში. აღნიშნული შეთანხმებისა და საგრანტო პროექტის ფარგლებში საგადასახადო კოდექსის 168-ე მუხლის მე-5 ნაწილის თანახმად ჩათვლის უფლებით დღგ-ისგან გათავისუფლებულია საქონლის მიწოდება ან/და მომსახურების გაწევა ან/და საქონლის იმპორტი.

*(აღნიშნულთან დაკავშირებით იხილეთ საგადასახადო შეღავათით მოსარგებლეთა რეესტრი საგადასახადო პორტალ RS.GE-ზე).*

**3. ანგარიშსწორების ფორმა და ვადები**

**3.1.** მიმწოდებელთან ანგარიშსწორება განხორციელდება უნაღდო ანგარიშსწორების წესით ეროვნულ ვალუტაში.

**3.2.** დაფინანსების წყარო - გერმანიის საერთაშორისო თანამშრომლობის საზოგადოებას (GIZ).

**3.3.** მიმწოდებელთან ანგარიშსწორება იწარმოებს მიწოდებული საქონლის შესაბამისად გაფორმებული მიღება-ჩაბარების აქტისა და შესაბამისი ნულოვანი დღგ-ის ფაქტურის (ასეთის არსებობის შემთხვევაში) საფუძველზე.

**3.4.** შემსყიდველის მიერ საქონლის ანაზღაურება მოხდება მიღება-ჩაბარების აქტის გაფორმებიდან 10 (ათი) სამუშაო დღის განმავლობაში.

**4. მიღება-ჩაბარების წესი**

**4.1.** საქონელი ჩაითვლება მიღებულად მხოლოდ კანონმდებლობით დადგენილი წესით განსაზღვრული მიღება-ჩაბარების აქტის გაფორმების შემდეგ.

**4.1.** შემსყიდველის მხრიდან მიღება-ჩაბარების აქტზე ხელმოწერ უფლებამოსილ პირს წარმოადგენს ა(ა)იპ „საქართველოს ეროვნული ბოტანიკური ბაღი“-ს საზოგადოებასთან ურთიერთობისა დამარკეტინგის განყოფილების უფროსი გიორგი თარხნიშვილი.

**5. საქონლის მიწოდების ვადა და ადგილი**

**5.1.** საქონლის მიწოდება უნდა მოხდეს 2019 წლის 18 მაისის 9:00 სთ-ზე, ქ. თბილისი, კოლმეურნეობის მოედანი.

**6. მხარეთა უფლება-მოვალეობები**

**6.1.** შემსყიდველს უფლება აქვს შეამოწმოს საქონლის შესაბამისობა ხელშეკრულებით გათვალისწინებულ პირობებთან და განახორციელოს ხარისხის კონტროლი და ზედამხედველობა მიმწოდებლის მიერ ხელშეკრულების პირობების დაცვაზე. შემსყიდველის მხრიდან ინსპექტირებას უზრუნველყოფს საზოგადოებასთან ურთიერთობისა დამარკეტინგის განყოფილების უფროსი გიორგი თარხნიშვილი.

**6.2.** შემსყიდველი ვალდებულია საკუთარი სახსრებით უზრუნველყოს ინსპექტირების შედეგად გამოვლენილი ყველა დეფექტის ან ნაკლის აღმოფხვრა.

**6.3.** შემსყიდველი ვალდებულია აუნაზღაუროს მიმწოდებელს მიწოდებული საქონლის ღირებულება წინამდებარე ხელშეკრულებით გათვალისწინებული პირობებით.

**6.4.** მიმწოდებელს უფლება აქვს მოსთხოვოს შემსყიდველს მიწოდებული საქონლის ღირებულების ანაზღაურება ხელშეკრულებით გათვალისწინებული პირობებით.

**6.5.** მიმწოდებელი ვალდებულია მიაწოდოს საქონელი ხელშეკრულებით გათვალისწინებულ ვადებში.

6.6. მიმწოდებელი ვალდებულია წარმოადგინოს ნულოვანი დღგ-ს ფაქტურა ან ცნობა რომ არ არის დღგ-ის გადამხდელად რეგისტრირებული.

### 7. პირგასამტეხლო ხელშეკრულების პირობების შეუსრულებლობისათვის

7.1. ხელშეკრულებით ნაკისრი ვალდებულების შესრულების ვადის გადაცილების შემთხვევაში, მიმწოდებელს ეკისრება პირგასამტეხლო ყოველ გადაგადაცილებულ დღეზე შეუსრულებელი ვალდებულების ღირებულების 0.02%-ის ოდენობით

7.2. პირგასამტეხლოს გადახდა არ ათავისუფლებს მხარეს ძირითადი ვალდებულების შესრულებისაგან.

### 8. ხელშეკრულებაში ცვლილებების შეტანა და ხელშეკრულების შეწყვეტა

8.1. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

8.2. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა, ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

8.3. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.

8.4. მხარე ვალდებულია არანაკლებ 5 კალენდარული დღით ადრე წერილობით ან კომუნიკაციის ელექტრონული საშუალებების გამოყენებით შეატყობინოს მეორე მხარეს 8.3. პუნქტით გათვალისწინებულ გადაწყვეტილების მიღების განზრახვის შესახებ.

8.5. ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

### 9. დაუძლეველი ძალა

9.1. მხარეები თავისუფლდებიან ხელშეკრულებით განსაზღვრული ვალდებულების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია აუცდენელი დაუძლეველი ძალის ზეგავლენით. აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულების შესრულების შეუძლებლობის შესახებ.

### 10. დავები და მათი გადაწყვეტის წესი

10.1. ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების და მოლაპარაკების გზით. იმ შემთხვევაში, თუ შეთანხმება არ იქნება მიღწეული დავის წარმოშობიდან 30 დღის განმავლობაში, დავის გადასაწყვეტად მხარეები უფლებამოსილნი არიან მიმართონ თბილისის საქალაქო სასამართლოს საქართველოს მოქმედი კანონმდებლობის შესაბამისად.

### 11. ხელშეკრულების ენა და მოქმედების ვადები

11.1. ხელშეკრულება შედგენილია ქართულ ენაზე, სამ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმოწერ მხარეებთან (ერთი პირი მიმწოდებელთან და ორი პირი შემსყიდველთან). ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

11.2. ხელშეკრულება ძალაში შედის ხელმოწერიდან და მოქმედებს 2019 წლის 30 ივნისის ჩათვლით.

### 12. მხარეთა რეკვიზიტები

შემსყიდველი:

ა(ა)იპ საქართველოს ეროვნული ბოტანიკურ ბაღი

მის: ქ. თბილისი, ბოტანიკური ქ. #1

ს/კ: 404405960

ბანკი: სახელმწიფო ხაზინა

ბანკის კოდი TRESGE22

ანგ. #741 887 499

დირექტორი

თამაზ დარჩიძე

მიმწოდებელი:

შპს პრიმო

მის: ქ. თბილისი, ყიფშიძის ქ. #9

ს/კ: 406051052

ბანკი: სს პროკრედიტ ბანკი

ბანკის კოდი: MIBGGE22

ანგ: GE 30PC 0453 6001 0000 2895

დირექტორი

დავით ზაქარაია

2019 წლის 16 მაისის #GIZ/11 ხელშეკრულების დანართი #1

| #   | საქონლის დასახელება | ზომის ერთეული | რაოდენობა | ერთეულის ფასი | ფასი   | CPV კოდი |
|-----|---------------------|---------------|-----------|---------------|--------|----------|
| 1   | სენდვიჩი ვიჩინით    | ცალი          | 30        | 3,5           | 105    | 15811510 |
| 2   | ლობიანი ღვეზელი     | ცალი          | 30        | 1,1           | 33     | 15811000 |
| 3   | ხაჭაპური            | ცალი          | 30        | 1,6           | 48     | 15811000 |
| 4   | მწვანე ვაშლი        | ცალი          | 30        | 1             | 30     | 3222321  |
| 5   | მაფინი              | ცალი          | 30        | 1,5           | 45     | 15812000 |
| 6   | წყალი               | ცალი          | 30        | 0,4           | 12     | 41110000 |
| 7   | წვენი               | ცალი          | 30        | 1,1           | 33     | 15321000 |
| სულ |                     |               |           |               | 306,00 |          |

**შემსყიდველი:**

ა(ა)იპ საქართველოს ეროვნული ბოტანიკურ ბაღი  
 მის: ქ. თბილისი, ბოტანიკური ქ. #1  
 ს/კ: **404405960**  
 ბანკი: სახელმწიფო ხაზინა  
 ბანკის კოდი TRESGE22  
 ანგ. #**741 887 499**  
 დირექტორი  
**თამაზ დარჩიძე**

**მიმწოდებელი:**

**შპს პრიმო**  
 მის: ქ. თბილისი, ყიფშიძის ქ. #9  
 ს/კ: **406051052**  
 ბანკი: სს პროკრედიტ ბანკი  
 ბანკის კოდი: MIBGGE22  
 ანგ: **GE 30PC 0453 6001 0000 2895**  
 დირექტორი  
**დავით ზაქარაია**